

lantiae comitti posse videntur; in hunc autem finem necessarium fore praevidemus, ut tam Supremi Comites, quam Magistratuales in gremio Comitatum semper resideant.

Quemadmodum porro in Clementia Majestatis Vestrae Sacratissimae demisse speramus, quod publica et politica, intrinsecum totius Regni Statum tangentia negotia, posthac item ad Banum et Regnum inviare dignabitur, ita quae in Generali Statuum Congressu pro Summo Majestatis Vestrae Sacratissimae Servitio Bonoque Patriae publico antelatis Comitatus comittentur, in iis deinceps quoque Bani et Regni dispositioni subesse debere videntur; si quae vero ejusmodi publica et politica occurrerent negotia, quae quemque privative Comitatum respicient, ea medio Bani, modalitate hactenus observata, eisdem intimari, ac in particularibus aut Generalibus, cum interventu etiam Praelatorum, Magnatum et Nobilium, ac Liberarum Regiarumque Civitatum celebrandis Congregationibus tractari in saepe factis Comitatus posse videntur, ita nihilominus, ut cum privativa etiam Comitatum negotia ad Generale Regni sistema plurimum influerent, ac sine debita horum Communicatione Status publici directio minus debite procedat, singularum Congregationum suarum Prothocollo Bano submittere teneantur.

Ipsam praeterea Commune Gubernii vinculum requirere videtur, ut imminente Generali Regni Hungariae Partiumque eidem adnexarum Dieta, Singuli Comitatus gravamina et postulata sua Statibus et Ordinibus horum Regnorum referant, per Aبلغatos Regni in Dieta proponenda et promovenda. Quem in finem aequae ac ad alias omnes Regni Congregationes eisdem intimandas, per eos vero intra Comitatum suum publicandas, modalitate consveta comparere antefati Comitatus teneantur.

Sed quia in hac laborum, qui per regulationem istam Officialibus Magistratualibus accedent, accumulatione, iidem obligationi suae penes exiguitatem habitorum hactenus salariorum accurate defungi haud posse praeviderentur, quo congruis hi quoque salariis provideri possint de Augusta Majestatis Vestrae Sacratissimae munificentia in tanta Regni hujus incapacitate non possumus non optime sperare.

Cum autem necessitas ipsa tam pro celebrandis Congregationibus, Sedriis et Sedibus criminalibus, quam pro Archivo et Carceribus postulare videatur, ut Comitatus quoque Crisiensis (cui propter sui exiguitatem unum suffectorum Vice-Comitem censemus) suam habeat domum: hinc Innatam Majestatis Vestrae Sacratissimae clementiam supplicibus denuo precibus interpellamus, dignetur huic fini seu novam seu veterem Commandae domum Crisiensem benigne destinare, ad quam acta publica, illum privative tangentia, transferri possint; Actis Comitatus Zagrabiensis in Domo Regni, cujus usum eo quo hactenus modo deinceps quoque habere poterit, conservandis.

Caeterum quoniam Comitatus omnes authentia gaudere dignoscerentur, ea vero sine authentico seorsivo sigillo fungi nequirent, firmam collocamus in Materna Majestatis Vestrae Sacratissimae pietate et Clementia fiduciam, fore ut id antelatis quoque Comitatus, supplices eatenus preces posituris, benigne elargiri dignetur.

Et haec sunt, quae ad sistema publicorum negotiorum pertinere videbantur. Juridica autem Comitatus ita relinqui posse censemus: Ut quoties opus erit in Sedibus Judiciariis Jus et Justitiam juxta Leges Regni Causantibus ad-